



Broj predmeta: UP-I-KSI-09-1/23

Datum: 06.03.2023. godine

Na osnovu članova 25. i 33. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu protiv I. G., [REDACTED] član Upravnog odbora Zavoda za zapošljavanje Brčko distrikta Bosne i Hercegovine, kao nosioca javne funkcije, pokrenutog Zaključkom, broj: UP-I-KSI-09-1/23 od 05.01.2023. godine, na 48. sjednici održanoj dana 06.03.2023. godine, donijela je

ZAKLJUČAK

Obustavlja se postupak protiv I. G. [REDACTED], član Upravnog odbora Zavoda za zapošljavanje Brčko distrikta Bosne i Hercegovine, kao nosioca javne funkcije, pokrenut Zaključkom, broj: UP-I-KSI-09-1/23 od 05.01.2023. godine, radi sumnje na povredu člana 19. stav (1) i stav (2) Zakona o sprečavanju sukoba interesa u institucijama Brčko distrikta Bosne i Hercegovine, zbog neusklađenosti podataka o pokretnim stvarima vrijednosti veće od 5.000,00 KM u podnesenom Izvještaju o imovinskom stanju dana 20.01.2022. godine o pokretnim stvarima koja proizilazi iz prikupljenih podataka od strane nadležnih organa i institucija za nosioca javne funkcije.

Образложење

Dana 05.01.2023. godine Komisija za odlučivanje o sukobu interesa (u daljnjem tekstu: Komisija) po službenoj dužnosti pokrenula je postupak Zaključkom, broj: UP-I-KSI-09-1/23 od 05.01.2023. godine, protiv I. G., član Upravnog odbora Zavoda za zapošljavanje Brčko distrikta Bosne i Hercegovine, kao nosioca javne funkcije, radi sumnje na povredu člana 19. stav (1) i stav (2) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) (u daljnjem tekstu: Zakon) zbog neusklađenosti podataka o pokretnim stvarima vrijednosti veće od 5.000,00 KM u podnesenom Izvještaju o imovinskom stanju dana 20.01.2022. godine o pokretnim stvarima koja proizilazi iz prikupljenih podataka od nadležnih organa i institucija za nosioca javne funkcije.

Dana 23.01.2023. godine, u zakonskom roku, Komisiji je dostavljeno pisano izjašnjenje na zaključak Komisije o pokretanju postupka, broj: UP-I-KSI-09-1/23 od 05.01.2023. godine, u kojem nosilac javne funkcije navodi da njegova supruga S. G. posjeduje putnički automobil marke „CITROEN“, registarskih oznaka: [REDACTED] godina proizvodnje 2012, da je automobil u posjedu kod roditelja supruge u Mostaru, da smatra da vrijednost predmetnog putničkog automobila ne prelazi vrijednost veću od 5.000,00 KM, jer je isto više puta oštećeno

u više saobraćajnih udesa te da su vršene određene popravke motora. Takođe ističe, da mu nije bila namjera dati neistinite i netačne podatke.

S ciljem dodatnih provjera i pojašnjenja, Komisija je zatražila dostavljanje relevantne dokumentacije kao dokaze u Izjašnjenju, te je I. G., nosilac javne funkcije, dana 16.02.2023. godine, dostavio Ugovor o darovanju od 10.03.2021. godine zaključen između S. G., kao darodavca sa jedne, i M. Z., kao daroprimca, sa druge strane. Predmet ugovora je putnički automobil marke „CITROEN“, registarskih oznaka: [REDAKCIJA], godina proizvodnje 2012 sa procijenjenom vrijednošću od 4.000,00 KM, što je Komisiji mjerodavno za odlučivanje u ovom postupku.

Članom 19. stav (1) Zakona propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj, za sebe, bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana propisano da Izvještaj sadrži: a) lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja; b) podatke o sadašnjim prihodima i izvorima prihoda, uključujući sve prihode, plate, dobit od imovine, uplate i druge zarade ostvarene u BiH i u inostranstvu u protekloj kalendarskoj godini; c) podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu; d) podatke o rashodima i drugim obavezama, uključujući sva dugovanja, obaveze, mjenice, kredite i jamstva za takve obaveze u BiH i inostranstvu.

Članom 20. stav (4) Zakona propisano je da se pod pokretnim stvarima veće vrijednosti smatraju vozila, plovila, zrakoplovi, radne mašine, lovačko oružje, umjetnine, nakit, drugi predmeti lične upotrebne vrijednosti, životinje i druge stečene pokretne stvari pojedinačne vrijednosti veće od 5.000,00KM, osim predmeta domaćinstva i odjevnih predmeta.

Članom 23. stav (4) Zakona propisano je da Komisija za svaki podneseni Izvještaj o imovinskom stanju provodi redovnu provjeru. Redovna provjera predstavlja provjeru tačnosti i potpunosti podataka iz Izvještaja o imovinskom stanju upoređivanjem podataka s podacima o imovinskom stanju nosioca javne funkcije prikupljenim od organa, institucija i pravnih lica u zemlji i inostranstvu koji raspolažu informacijama, odnosno organa, institucija i pravnih lica koja vode evidencije o podacima, dok je istim članom stav (6) Zakona propisano da ukoliko se u postupku provjere tačnosti podataka utvrdi da nosilac javne funkcije nije naveo tačne i potpune podatke u Izvještaju o imovinskom stanju, Komisija pokreće postupak shodno članu 32. ovog Zakona.

Prilikom preduzimanja službenih radnji provjere podataka iz Izvještaja o imovinskom stanju i uvida u podneseni Izvještaj o imovinskom stanju nosioca javne funkcije na stranici 8. uočeno je da je I. G., između ostalog u rubriku “podaci o pokretnim stvarima koji se upisuju u javni registar vrijednosti veće od 5.000,00 KM“ naveo putnički automobil marke:“ FORD SMAX“, godina proizvodnje 2008, dok je iz dostavljene dokumentacije od strane Odjeljenja za javni registar, Vlade Brčko distrikta BiH broj: 26-001693/22 (10-1024ZJ-003/22 od 04.10.2022. godine uočeno je da imenovani posjeduje i registrovan putnički automobil i to putnički automobil marke „CITROEN“, registarskih oznaka: [REDAKCIJA] godina proizvodnje 2012, te je shodno zakonskim odredbama, Komisija cijenila da u konkretnom slučaju postoji povreda člana 19. stav (1) i stav (2) Zakona jer I. G. nije tačno i potpuno unio podatke u Izvještaj o imovinskom stanju.

U vezi sa navedenim, Komisija je predmetni postupak protiv I. G., član Upravnog odbora Zavoda za zapošljavanje Brčko distrikta Bosne i Hercegovine, kao nosioca javne funkcije, pokrenula Zaključkom, broj: UP-I-KSI-09-1/23 od 05.01.2023. godine, radi sumnje na povredu člana 19. stav (1) i (2) Zakona, koja proizilazi iz netačnog i nepotpuno popunjenog podnesenog Izvještaja o imovinskom stanju i prikupljenih podataka od strane nadležnih organa i institucija za nosioca javne funkcije.

Imajući u vidu da je I. G., nosilac javne funkcije, dostavio pisano Izjašnjenje i dodatno Izjašnjenje na Zaključak o pokretanju postupka, broj: UP-I-KSI-09-1/23 od 05.01.2023. godine, Komisija je izvršila uvid u dostavljeni ugovor od 10.03.2021. godine u kojem je predmet ugovora o darovanju ugovora sporno vozilo sa procijenjenom vrijednosti od 4.000,00 KM, te je Komisija ovaj navod cijenila kao istinit, da se u konkretnom slučaju ne radi o pokretnoj stvari vrijednosti veće od 5.000,00 KM, te dostavljeni dokaz cijenila kao dokaz koji je dovoljno pouzdan za istinitost navedenog.

Shodno navedenom, nosilac javne funkcije nije bio dužan da unese sporno vozilo u Aneks II, jer se radilo o vozilu vrijednosti ispod 5.000,00KM, te je Komisija donijela odluku kao u izreci Zaključka.

POUKA O PRAVNOM LIJEKU:

Saglasno odredbama člana 37. stav (1) Zakona, ova odluka je konačna u upravnom postupku i protiv iste nije dopuštena žalba, ali se može pokrenuti upravni spor u roku od 30 dana od dana dostavljanja odluke tužbom pred Osnovnim sudom Brčko distrikta Bosne i Hercegovine.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

1. I. G., [REDACTED]
2. Internet stranici Komisije,
3. Evidenciji i
4. Arhivi.